

聖



通德堂經解

通德堂經解

鄭志

甘泉黃真學

易志

大畜六四童牛之牯元吉

洽剛問大畜六四童牛之牯元吉注巽為木

互體震震為牛之足足在艮體之中艮為手

持木以就足是施牯又蒙初六注云木在足

曰極在手曰牯今大畜六四施牯於足不審

極牯手足定有別否

月令正義引洽剛問答云牛四足何以稱牯

曰牛無手前足施楛也此五字見月令正義故以足言

之周禮內饗大司寇疏

歸妹六三歸妹以須注須有才知之稱天

文有須女屈原之姊名女須之中只須

答洽剛云須才知之稱故屈原之姊以為名

詩桑扈正義正義姊本作妹誤

尚書志

堯典乃命羲和注犁為火正司地

答趙商云先師以來皆云火當為北當云犁

為北正正義又詩檜正義

答趙商云三皇至道故舉南北正夏冬而春

秋自正五帝中道故又命羲和夏詳人事乃

合而一之路史高陽紀

三岳注置八伯

張逸問云九州而八伯者何答云畿內之州

不置伯有鄉遂之吏主之禮記王制正義

答繇謨州十有二師注春秋傳曰禹朝羣

臣於會稽執玉帛者萬國八州凡九千六

百國其餘四百國在圻內則子男也

張逸問云案左傳禹會諸侯於塗山執玉帛者萬國外傳云禹朝羣臣於會稽防風氏後至不與注相應何答云欲明諸侯守土之祀故兼用外傳內傳語禮記王制正義

趙商問云以王制論之畿內之國有百里有七十里有五十里今率以下等計之又有一王城關遂郊郭卿大夫之采地數不在中今就四百似頗不台答云三代異物王制之法唐

虞或不盡然堯舜之德守在四疆鄉遂有無無以言也公卿大夫有田祿者其四百國非采地為何王城之大郊關之處幾何而子責急也禮記王制正義

禹貢大陸既作注大陸澤在鉅鹿詩般正義答張逸云鉅鹿今名廣河澤正義

厥貢漆絲厥篚織文

凡所貢篚之物皆以稅物市之隨時物價以

當邦賦詩甫田正義

又北播爲九河

趙商謂河在兗州之北已分爲九河分而復合於大陸之北又分爲九故問之曰禹貢導河至於大陸又北播爲九河然則大陸以南固未播也在於兗州安得有九至於何時復得合爲一然後從大陸以北復播爲九也答曰兗州以濟河爲界河流分兗州界文自明矣復合爲一乃在下頭子走南北何所求乎觀子所云似徒見今兗州之界不及九河而

青冀州分之故疑之耳既知今亦當知古

詩

正義

四百里粟五百里米

金滕以旦代某之身

趙商問曰若武王未終疾固當廖信命之終雖請不得自古以來何患不爲答曰君父疾病方困忠臣孝子不忍默爾視其歔歔歸其命於天中心惻然欲爲之請命周公達於此禮著在尙書若君父之病不爲請命豈忠孝

之志也

正義

顧命楨之舞衣大貝鼗鼓在西房兌之戈

和之弓垂之竹矢在東房

正義云鄭注周禮宗廟路寢制

如明堂明堂則五室此路寢有東房西房張逸以問鄭

答云成王崩在鎬京鎬京宮室因文武更不

改作故同諸侯之制有左右房也

正義

答趙商云成王崩之時在西都文王遷豐作

靈臺辟廱而已其餘猶諸侯制度故喪禮設

衣物之處寢者

者似當作之

夾室與東西房也周

公攝政致太平制禮作樂乃立明堂於王城

詩斯干正義禮記玉藻正義

書贊我先師棘下生安國亦好此學

張逸問贊云我先師棘下生何時人答云齊

田氏時善學者所會處也齊人號之棘下生

無常人也

水經淄水注案棘稷通

毛詩志

國風周南關雎序

張逸問何詩近於比賦與答曰比賦與吳札

觀詩已不歌也孔子錄詩已合風雅頌中難
復摘別篇中義多興正義正

答張逸云國史采衆詩時明其好惡令瞽矇
歌之其無作主皆國史王之令可歌正義正

答張逸云舊俗者若晉有堯之遺風先王之
澤衛有康叔餘烈正義正

張逸問嘗聞一人作詩何謂答曰作詩者一
人而已其取義者一國之事變雅則譏王政
得失閔風俗之衰所憂者廣發於一人之木

身正義正

答張逸云風也小雅也大雅也頌也此四者
人君行之則爲興廢之則爲衰正義正

張逸問王者之風王者當在雅在風何答曰
文王以諸侯而有王者之化卒以受命四字依譜

正義正述其本宜爲風

答劉炎云論語注人間行久義或宜然故不

復定以遺後說正義案哀窈窕箋云哀當爲衷論語注不破字

卷耳采采卷耳傳事采之也

答張逸云事謂事事一一用意之事若苜蓿亦
然雖說異義則同正義

傳不
言與

答張逸云若此無人事實與也文義自解故
不言之凡說不解者耳衆篇皆然正義

麟趾序

張逸問麟趾義云關雎之化行天下無犯非
禮雖衰世之公子皆信厚其信厚如麟趾之
時箋云喻今公子亦信厚與禮相應有似于

麟惟於此二者時關雎之化致信厚未致麟

答曰衰世者謂當文王與紂之時而周之盛

德關雎化行之時公子化之皆信厚與禮合

古大平致麟之時不能過也正義答張逸云文

王承先公之業積修其德以致風化述其美

以為之法能行其本則致未應既致其應設

以為法諸正義疑與
前答為一

召南甘棠

趙商問甘棠行露之詩美召伯之功箋以為

當文王與紂之時詩傳及樂記武王即位乃
分周公左召公右爲二伯文王之時不審召
公何得爲伯答曰甘棠之詩召伯自明誰云
文王與紂之時乎詩譜正義案甘棠正義引
此作答張逸未知孰是
行露

張逸問行露召伯聽訟察民之意化耳何訟
乎答曰實訟之辭也民被化久矣故能有訟

正義

標有梅

答張逸云行露以正言也標有梅以蕃育人

民

正義

小星抱衾與裯禪被也箋牀帳也

張逸問此箋不知何以易傳又諸妾抱帳進
御於君有常寢何其碎答曰今人名帳爲裯
雖古無名被爲裯諸妾何必人抱一帳施者

因之如今漢抱帳也

正義

野有死麕無使虺也吠

答張逸云正行昏禮不得有狗吠

正義

何彼穠矣平王之孫

張逸問箋云德能正天下之王然則不必要

文王也答曰德能平正天下則稱為平故以

號文王焉正義

騶虞

張逸問傳曰白虎黑文又禮記曰樂官備何

謂答曰白虎黑文周史王會云

史當作書然王會無騶虞

今本備者取其壹發五祀言多賢也正義

張逸問豕生二曰縱不知母豕也豚也答曰

豚也過三以往猶謂之縱

正義爾雅釋獸疏

擗燕燕

坊記引燕燕詩注以為夫人定美之詩

答吳模云為記注時

坊記正義

執依坊記正義增就

盧君先師亦然後乃得毛公傳

坊記正義云後得毛傳乃

改既

本誤記依南

古書義又且然記注已行

不復改之

正義南陔正義禮記坊記正義案盧君盧植也先師張恭祖也

匏有苦葉雉鳴求其牡

答張逸云雌雉求牡非其耦故喻宣公與夫

人正義

谷風涇以渭濁箋此絕去所經見因取以

自喻

張逸問何言絕去答曰衛在東河涇在西河

故知絕去不復還正義詩地理攷引此作衛在河東涇在河西涇不在

衛境作詩宜歌土風故言絕去此婦人既絕至涇而自比已志

旄邱序責衛伯也

答張逸云實當用伯而侯德適任之何嫌不

可命人位以德古亦然也正義禮王制正義引稍異

鄘定之方中傳定營室也昏正四方

趙商問傳曰凡土功水昏正而裁日至而畢

召誥於三月之下營洛不依禮之常時答云

傳所言者謂庸時也周召之作洛邑因欲觀

衆殷樂之與否則由欲觀民之義故不依常

時也正義

作於楚宮傳仲梁子

張逸問楚宮今何地仲梁子何時人答曰楚

邱在濟河間疑在今東郡界中仲梁子先師

說魯人當六國時在毛公前正義玉海

下云其吉傳山川能說

張逸問傳曰釋文無傳字山川能說何謂也正義無也

字答曰兩讀或言說說者說其形勢也或曰

述述者述其故事也述讀如遂事不諫之遂

釋文正義案正義兩引一全載一無末句或言或曰並作或云說述二字不疊

干旄

王瓚問曰舉於旌首當皆以皮邪盡之也答

曰皆但舉皮置於首不盡初學記武部

載馳

答趙商云狄人入衛其時明然戴公廬漕及城楚邱二者是還復其國也許夫人傷宗國之滅又閔其民欲歸行其野視其麥是時之憂思乃引日月而不得歸責以冬夏與誰因誰極未通於許夫人之意正義

言至於漕

答張逸云漕邑在河南

不衛氓無與士耽

張逸問箋云耽非禮之樂小雅云和樂且耽

何謂也答曰禮樂者五聲八音之謂也小雅亦言過禮之盛和樂過禮之言也燕樂嘉賓過厚賢也不以禮耽者非禮之名故以此禁女爲之正義

王

張逸問平王微弱其詩不能復雅厲王流於彘幽王滅於戲在雅何答曰幽厲無道酷虐於民以強暴至於流滅豈如平王微弱政在諸侯威令不加於百姓乎諸正義詩地理攷

君子陽陽右招我由房箋右手招我欲使我從之於房中時在位有官職

張逸問何知在位有官職又男子焉得在房答曰房中而招人豈遠乎故知可招者當在位也招之者樂官有祿而無言責苟免時耳

路中可用男子正義

大車毳衣如茨

正義云傳以茨爲毳箋以茨爲亂似易傳又言其青

者如騅復似從傳張逸疑而問之

答云騅鳥青非草名亂亦青故其青者如騅

正義 六國傳言牛馬之類皆為其國所收

鄭有女同車

張逸問曰此序云齊女賢經云德音不忘文
姜內淫適人殺夫幾亡魯國故齊有雄狐之
刺魯有傲笱之賦何德音之有乎答曰當時
佳耳後乃有過或者早嫁不至於此作者據
時而言故序達經意正義 齊南田
韋曜問曰甫田維秀今何草答曰今之狗尾

也御覽百卉部五莠 魏園有桃

答張逸云稅法有常不得薄今魏君不取於
民唯食園桃而已非徒薄於十一故刺之正義
伐檀不素飧兮傳孰食曰飧箋讀如魚飧
之飧

答張逸云禮飧饗大多非可素不得與不素
飧相配故易之也正義 唐無衣

答趙商云諸侯入為卿大夫與在朝仕者異
各依本國如其命數正義及大車正義

采苓首陽之巔傳喻無徵箋喻事有似而非

答張逸云篇義云好聽讒當似是而非者故

易之正義

幽七月

張逸問幽七月專詠周公之德宜在雅今在
風何答曰以周公專為一國上冠先公之業

亦為優矣所以在風下次於雅前在於雅分

周公不得專之譜正義詩地理考

七月鳴鵙箋幽地晚寒

答張逸云晚寒亦晚溫正義又三之日正義引作晚溫亦晚寒

三之日納於凌陰四之日其蚤獻羔祭韭

孫皓問凌人十二月斬冰即以其月納之七

月言三之日納於凌陰四之日即出藏之既

晚出之又早何凌人疏答云夏十二月取冰二

月開冰四月班冰是其常也藏之既晚出之

又早晚者建寅乃藏此與周禮十二月藏冰較遲一月故出之早者四月夏之三月出冰與周禮同今幽土晚寒故可夏正月納冰夏二月仲春大族用事陽氣出地始溫故禮應開冰先薦寢廟正義周禮凌人疏及豕宰序官正義

小雅皇皇者華周爰咨詢

張逸問此箋云中和謂忠信每懷靡及箋云懷私為每懷和當為私而此言忠信愚意似乖也答曰非也此周之忠信也已有五德復

問忠信之賢人

正義

思不謂盡其多也

常棣箋周公弔二叔之不咸召公為作此

詩

答趙商云於文武時兄弟失道有不和協之意故作詩以感切之至成王之時二叔流言作亂罪乃當誅悔將何及未可定此篇為成

王時作

諸正義

張逸問云周仲文以左氏論之三辟之興皆在叔世謂三代之末即二叔宜為夏殷末也

答曰此注左氏者亦云管蔡耳又此序子夏所為親受聖人足自明矣正義原注周仲文蓋漢世儒者也以為二叔宜為夏殷之末不得為管蔡鄭答注左氏者謂鄭賈之說也

答趙商云凡賦詩者或造篇或誦古正義左傳隱三年正義

年正義

六月織文鳥章

答張逸云畫急疾之鳥隼正義爾雅釋天疏

車攻駕言行狩傳戰不出頃田不出防

答張逸云戰有頃數不能盡其多少猶今戰

場者不出其頃界田者不出其防也正義

斯于西南其戶箋宗廟及路寢制如明堂

答張逸云周公制禮建國土中玉藻正義作制於土中

洛誥王入太室裸是也玉藻正義誥下有云句末無也顧命

成王崩於鎬京承先王宮室耳宣王承亂未

必玉藻正義如周公之制正義禮記玉藻正義

賓之初筵樂既和奏箋殷人先求諸陽故

祭祀先奏樂

答趙商云衛殷之畿內一作衛武公居殷墟故用殷禮君子

行禮不求變俗祭祀之禮居喪之服哭泣之位皆如其國之法故衛稱殷禮正義

大雅縣自西徂東箋云幽與周原不能為

西東

張逸問幽與周原不能為西東何謂答曰幽

地今為柁邑縣在廣山北沮水西有涇水從

此西南行正東乃得周故言東西云正義呂祖謙讀

詩記

棫樸六師及之箋王興師行者殷末之制

趙商問此箋引常武整我六師宣王之時又

此征伐之事不稱六軍而稱六師不達其意

答曰師者衆之通名故人多云焉欲著其大

數則乃言軍耳正義

生民

趙商問此箋云帝上帝又云當堯之時姜嫄

為高辛氏世妃意以為非帝嚳之妃史記嚳

以姜嫄為妃是生后稷明文皎然又毛亦云

高辛氏帝苟信先籍未覺其偏隱是以敢問

易毛之義答曰卽姜嫄誠帝嚳之妃履大人
之迹而歆歆然是非真意矣乃有神氣故意
歆歆然天下之事以前驗後其不合者何可
悉信是故悉信亦非不信亦非稷稚於堯堯
見爲天子高辛與堯竝在天子位乎正義
周頌絲衣序高子曰靈星之尸也

答張逸云高子之言非毛公後人著之正義

魯頌閟宮及彼南夷傳荆楚也正義

答趙商云楚交中國而近南夷末世夷行故

謂之夷也正義

商頌長發箋郊祭天也正義

趙商問云案祭法殷人禘嚳而郊冥又喪服
小記及大傳皆云王者禘其祖之所自出以
其祖配之注皆以爲祭天皇帝以嚳配之
然則此詩之禘亦宜以爲圓丘之祭不審云
郊何答曰郊祀后稷以配天則以祖配其祖
從出之明文也云注皆以爲祭天皇帝詩
之大禘宜爲圓丘之祭探意大過得無誣乎

禘者祭名天人共云正義又雖正義引末句云禘大祭天人共之

清人刺文公詩也文公厲公之子清人當

處卷末由脫爛失次廁於莊公時

答張逸云詩本無文字後人不能盡得其次

第錄者直錄存其義而已譜正義案此條不得其次附於末

周禮志大司馬云正皆前其國之禮自出以

天官膳夫王日一舉鼎十有二其又與

趙商問膳夫云云字依玉藻正義增王日一舉鼎十有

二物皆有俎是為三牲備焉物皆有俎依玉藻正義增是為

三牲備焉彼作有三牲備商案玉藻天子之食日少牢疏作

天子日朔月大牢禮數不同疏作其說

答云禮記後人所集詩正義作定其非自此始據時而言

詩正義或以諸侯同天子或以天子與諸侯

無此句疏所等玉藻正義無兩所施不同故難據也疏作

禮數故難作難以玉藻王制之法與周異疏作

正義無也字難誤作鄭疏及禮記玉藻正禮者多當以經為正義詩鴛鴦正義

膳人凡田獸之脯腊臠胖之事

趙商問膳人掌凡乾肉而有臠胖何答云雖

鮮亦屬腊人

疏

酒正三酒注澄酒是三酒也

趙商問禮運注澄是沈齊今此注澄酒是三

酒何答云今解可去澄字

疏

此本不誤轉寫

盞澄字耳

禮記禮運正義案盞澄又作益澄

司裘掌為大裘同天子之裘以天子與諸侯

大裘之上又有之衣與裘同色

疏

內宰出其度量淳制注純制天子巡守禮

所云制幣丈八尺純四狶與

趙商問云天子巡守禮制丈八尺純四狶何

答云巡守禮制丈八尺咫八寸四咫三尺三

寸又大廣四當為三三八三十四二尺四寸

幅廣也古三三積畫是以三誤為四也

疏又

疏引此答云咫八寸四當為三三尺謂二尺四寸也

內司服掌王后之六服

趙商問司服王后之六服之制目不解請圖

之答曰大裘衮衣鷩衣毳衣絺衣玄衣此六

服皆纁裳赤舄韋弁衣以鞮皮弁衣以布此

二弁皆素裳白舄冠弁服黑衣裳而黑舄冠
弁立端禕衣立舄首服副從王見先王掄翟
青舄首服副從王見先公闕翟赤舄首服副
從王見羣小祀鞠衣黃履首服編以告桑之
服禕衣白履首服編以禮見王之服祿衣黑
履首服次以御於王之服后服六翟三等三
舄立青赤鞠衣以下三履黃白黑婦人質不
殊裳履舄皆同裳色也履人疏三狄首服副副
覆也所以覆首爲之飾其遺象若今步繇矣

鞠衣首服編編列髮爲之其遺象若今假紒
矣展衣祿衣首服次次第髮長短爲之所謂
髮髻也若燕居之時則亦祿纒笄總而已其
六服皆以素紗爲裏禮記玉藻正義引鄭注
內司服條後又引鄭志
此條

地官保氏序官注書敘曰周公爲師召公
爲保相成王爲左右聖賢兼此官也

趙商問案成王周官立大師大傅大保茲惟
三公卽三公之號自有師保之名成王周官

周公攝政三年事此周禮是周公攝政六年
時則三公自名師保起之在前何也答曰周
公左召公右兼師保初時然矣保氏序
官疏

族師四閭為族八閭為聯凡公室三
族

張逸問族百家安得有八閭答曰并之為聯

耳疏

刑罰慶賞相及相共

趙商問族師職曰四閭為族八閭為聯使之
相保相受刑罰慶賞相及在康誥曰父不慈

子不孝兄不友弟不恭不相及也已上本
族疏不引

師之義司寇疏
作職鄰比相坐康誥之說司寇疏
作云

門司寇疏尚寬書禮是錯司寇疏句首有不
知二字是作孰未達

旨趣曰答曰族師之職周公新制禮使民相

共敕之法司寇疏
無之字康誥之時周法未定司寇
疏此

下有天下
二字衍又新誅三監務在尚寬以安天下

先後異時各有云為乃謂是錯也疏及大
司寇疏

載師以廛里任國中之地注以十八分之

十三率之

張逸問注十八分之十三率之何謂答曰六鄉之民上地不易家百畝一易家二百畝再易家三百畝相通三夫六百畝六遂之民上地家百畝萊五十畝中地家百畝萊百畝下地家百畝萊二百畝相通三夫而六百五十畝以三分去一之法當餘十二遂地以有五

十畝萊於三分去一乃得十三

疏

凡宅不毛者有里布凡田不耕者出屋粟趙商問載師職凡宅不毛乃罰以一里布田

不耕者罰屋粟商以田不耕其罪莫重宅不毛其罰當輕宅不毛乃罰以二十五家之布田不耕則罰之二夫之稅粟未達罰之輕重之差云爲之旨答曰此法各當罰其事於當其有故何以假他輕重乎

疏

其九賦

閭師凡無職者出夫布注獨言無職者掌劉炎問載師職云凡民無職事者出夫家之征閭師職云凡無職者出夫布夫家之征與

夫布其異如何答云夫家之征者田稅如今租矣夫布者如今算斂在九賦中者也又問閭師職云凡任民任農以耕事貢九穀下至任虞凡八貢不道九賦下言凡無職者出夫布注云獨言無職者掌其九賦若此者豈上八貢者復出八賦與無職所出夫布凡爲九將自布賦不同重計八貢未之能審也答曰讀天官冢宰職則審矣無職在九賦中今此不言其餘獨言此者此官掌斂賦嫌無職者

不審

疑當之譌

出算故審耳

疏

調人凡和難父之讎辟諸海外

趙商問調人職稱父之讎辟諸海外君亦然注使辟於此不得就而讎之商以春秋之義子不復讎非子臣不討賊非臣楚勝之徒猶言鄭人在此讎不遠矣不可以見讎而不討於是伐之臣感君恩孝子思其親不得不報和之而已子夏曰居父母之仇如之何孔子曰寢苫枕干不仕不與其天下遇諸市朝不

反兵天下尙不反兵海內何爲和之豈宜此
字宜在上不達二禮所趣小子曰惑少蒙解

說答曰讎若疏無若字在九夷之東八蠻之南六

戎之西五狄之北雖有至孝之心能往討不

曲禮正乎曲禮正義引子之所云偏於此義

疏

春官鬯人注秬如黑黍一稔二米春官鬯人注

張逸問云鬯人職注云秬如黑黍一稔二米

案爾雅秬一稔二米未知二者同異已上唯疏引之

答云秬卽其皮稔亦皮詩正義其字在皮下爾雅重言

以曉人更無異稱也疏及詩生民正義爾雅釋草疏

籥師注傳曰去其有聲者廢其無聲者

張逸問籥師注春秋傳曰去其有聲者廢其

無聲者何謂此問唯疏引之答云廢置也於去檀弓正義

此下有者爲廢謂廢留不去也疏無此六字故曰

廢疏及禮記檀弓正義大司樂疏

大宗伯以血祭祭社稷五祀五嶽

張逸問曰以血祭祭五嶽以狸沈祭山川不

審五嶽亦當狸否答曰五嶽以狸沈祭山川
尊祭之從血腥始何嫌不狸詩是驚

以狸沈祭山林川澤

詩正義又謂爾雅釋天云祭山曰庶懸不

言埋張逸亦引以問

答曰爾雅之文雜非一家之注不可盡據以

難周禮詩是驚正義

注五祀五官之神在四郊四時迎五行之

氣於四郊而祭五德之帝亦食此神焉少

昊氏之子曰重為句芒食於木該為蓐收

食於金修及熙為玄冥食於水顓頊氏之

子曰黎為祝融后土食於火土

趙商問春秋昭二十九年左傳曰顓頊氏之

子犁為祝融其工氏有子曰句龍為后土祭

法曰其工氏之霸九州也其子曰后土能平

九州故祀以為社社即句龍今云五官之神

在四郊其二祀合為犁食火土者何答曰犁

為祝融句龍為后土左氏下言后土為社謂

暫作后土已上唯后土轉為社五字依詩無

疏引之

正義增

無

正義增

有詩正義代者故先師之說犁兼之因火主

俱位南方疏及詩甫田正義未句詩正義作亦因火土位在南

司尊彝裸用雞彝鳥彝六士尊曰尊

一雞彝盛明水鳥彝盛鬱鬯是以各一尊疊

尊不言數者禘祫與時祭追享朝享等皆同

用三酒不別數可知也疏曰

典瑞執鎮圭纁藉五采五就以朝日

祭天地宗廟亦執之禮記曲禮正義

大司樂王師大獻注獻捷於祖

趙商問夏官二字依大司馬疏增大司馬云師有功則

愷樂獻於社春官大司樂云王師大獻則令

奏愷樂注云大獻獻捷於祖不達異意答曰

司馬云師大獻則獻社司馬主軍事之功疏作

以軍故獻於社大司樂宗伯之屬宗伯主於

宗廟之禮大司馬疏作宗伯主宗廟故獻於祖也疏及大司馬疏

大卜一曰玉兆二曰瓦兆三曰原兆注杜

子春云玉兆帝顓頊之兆瓦兆帝堯之兆

原兆有周之兆

趙商問此并問下文子春云連山宓戲歸藏

黃帝此疏節引非原文今當從此說以下敢問杜子

春何由知之答云此數者非無明文改之無

據故著子春說而已近師皆以為夏殷周疏案

太卜疏兩引鄭答一悉同一故著作且從

籒人巫更注謂筮遷都邑

主車車之

答趙商云此都邑比於國為小故筮之詩定之方

中正若武王遷洛般庚遷般之等則卜故大

卜有卜大遷之事疏

巫參注謂筮御與右與與申禮氣與

趙商問僖十五年秦晉相戰晉卜右慶鄭吉

襄二十四年晉致楚師求御於鄭鄭人卜宛

射大吉皆用卜今此用筮何且此云筮是國

之大事先筮而後從卜由禮注引春秋獻公

卜娶驪姬不吉公曰筮之又尙書龜從筮從

請明所據答云天子具官有常人官非一人

故筮有可使者諸侯兼官無常人故臨時卜

之也疏

占夢以日月星辰占六夢之吉凶
張逸問占夢注云春秋昭三十一年十二月
辛亥朔日有食之是夜也趙簡子夢童子裸
而轉以歌且而日食占諸史墨對曰六年及
此月也吳其入郢乎終亦弗克入郢必以庚
辰日月在辰尾庚午之日始有謫火勝金
故弗克此以日月星辰占夢者不知何術占
之前問不了答曰日月在辰尾夏之九月辰
在房未有尾星建戌厭庚寅與申對辰與戌

對申近庚辰與戌對故知庚辰干上爲客辰
下爲主人故午爲主人金侵火故不勝雖不
勝卽復故云弗克日有謫氣時得九月節者
以庚午在甲子篇辛亥在甲辰篇也中有甲
戌甲申甲午成一月也從庚午以下四日從
甲辰至辛亥八日并之十二日通同四十二
日又問曰何知有此厭對之義乎答曰案堪
輿黃帝問天老事云四月陽建於巳破於亥
陰建於未破於癸是爲陽破陰陰破陽故四

月有癸亥為陰陽交會十月丁巳為陰陽交會言未破癸者即是未與丑對而近癸也交會惟有四月十月也若有變異之時十二月皆有建厭對配之義也

疏 中車建大白以卽戎

趙商問中車職云建大白以卽戎注云謂兵事司馬職仲秋辨旗物以治兵王載大常下注云凡頒旗物以出軍之旗則如秋不知巾車大白以卽戎為在何時

司馬疏無巾車在三字

答曰

白者殷之正色

疏無白者二字

王卽戎者

疏無此句

或會

事

司馬疏作命將

或勞師不自親將

疏無自字

故建先王

之正色異於親自將也

疏及大司馬疏

建大麾以田

趙商問巾車職曰建大麾以田注云田四時田獵商案大司馬職曰四時皆建大常今又

云建大麾以田

司馬疏無此八字

何答曰麾夏之正

色田

疏無此字

雖習戰春夏尚生其時宜入兵夏

本不以兵得天下故建其正色以春夏

疏脫夏字

田至

疏無至字

秋冬出兵之時乃建大常

疏及大司馬疏

具官校人天子十有二閑馬六種邦國六

閑馬四種家四閑馬二種

趙商問曰校人職天子十有二閑馬六種為

三千四百五十六匹邦國六閑馬四種為二

千五百九十二匹家四閑馬二種為千七百

二十八匹商家天子之卿采地食小都

詩正義無

以上大夫食縣不審所由當能共此馬數

義作何由故禮記家富不過百乘謂其多也

以詩正義無此大四字司馬法論之一甸之田方八里

疏作甸有戎馬四匹長轂一乘今大夫采地

四甸一甸稅又給王詩正義作一甸其餘三

甸裁有馬十二匹今又就校人之職相校甚

異何答曰邦國六閑馬四種其數適當千二

百九十六匹家四閑馬二種疏作家有二種又當

八百六十四匹今子以何術計之乎此馬皆

君之所制為非謂民賦詩正義作國君之制非民之賦畿內

百里之國者居四都五十里之國居四縣二

十五里之國居四甸而引天子卿食小都大夫食縣欲何以難又詩正義無以上四十四字司馬法甸

有戎馬四匹長轂一乘此謂民出軍賦無與於天子國馬之數事條未理而多紛紜疏及詩定

之方中正義未入字詩正義無

職方氏四夷八蠻七閩九貉五戎六狄之

人民

趙商問曰職方氏掌四夷八蠻七閩九貉五戎六狄之數注云周之所服國數禮記明堂

位曰周公六年制禮作樂朝諸侯於明堂有

禮記正義無周朝位服事之國數夷九蠻八

戎六狄五禮文事異未禮記正義作不達其數答云

職方氏四夷謂四方夷狄也疏無九貉即九

夷在東方八蠻在南方閩其別也戎狄之數

詩正義引自或六或五兩文異詩正義此兩

雅惟有其數耳詩正義作爾雅雖有與同皆

皆無別國之名校未甚明詩禮正義並無故

不定疏及詩蓼蕭正義禮記明堂位正義又

其國數其名難得
而知蓋擡舉之辭

大行人凡大國之孤執皮帛以繼小國之

君疏云大行人凡大國之孤執皮帛以繼小國之君

趙商問大行人職曰凡大國之孤執皮帛所

尊衆多下云其他眠小國之君以五為節今

此亦五下云諸侯之卿各下其君二等以下

注云公使卿亦七侯伯亦五子男三不審大

國孤五而卿七何答曰卿奉君命七介孤尊

更自特見故五介此有聘禮可參之未之思

邪反怪此更張摯介又繼小國之君非私覲也疏云

出入三積疏云

趙商問大行人職曰孤出入三積此即與小

國同宜應眠小國之君何須特云三積與例

似錯答曰三積者卿亦然非獨孤也故不在

眠小國之中與例似錯何所據也疏

掌客上公醢醢百有二十饗

此公乃二王後疏

冬官與氏槩而不稅

趙商問與氏為量槩而不稅塵人職有稅何

答曰官量不稅

疏

矢人兵矢田矢注兵矢在矢絜矢也此二矢亦可以田田矢謂矰矢

趙商問司弓矢注云凡矢之制矰矢之屬七分三在前四在後案矢人職曰田矢五分二在前三在後注云田矢謂矰矢數不相應知所裁答曰田矢謂矰矢此先定後云此二

矢亦可以田頃若少疾此疏初在篋筥之間

屬錄事得之謹答

疏

匠人周人明堂

趙商問云說者謂天子廟制如[]是為明

堂即文廟邪答曰明堂主祭上帝以文王配

耳猶如郊天以后稷配也

南齊書禮志上

儀禮志

觀禮乃朝

朝觀四時通稱故觀禮亦云朝

周禮大行人疏

喪服爲人後者傳支子可也 劉德問云

爲人後者支子可也長子不以爲後同宗

無支子唯有長子長子不後人則大宗絕

後則違禮如之何田瓊答曰以長子後大

宗則成宗子禮諸父無後祭於宗家後以

其庶子還承其父

通典禮 五十六

繼母如母

答趙商云繼母而爲父所出不服也

通典禮 五十四

慈母如母

趙商問慈母嫁亦當爲服如繼母不答云慈

母賤何得如繼母耶

通典禮 五十四

女子子適人者爲其父母昆弟之爲父後

者傳婦人雖在外必有歸宗曰小宗同父

答趙商云婦人有歸宗謂自其家之爲宗者

大夫稱家言大夫如此耳夫人王后則不然

也

詩葛覃 正義

自其家之宗言宗及小宗故知是

大夫士也諸侯夫人父母卒無歸寧之理故

知諸侯夫人爲兄弟爲諸侯者但大功耳

禮記

檀弓

正義

大為君之父母妻長子祖父母母傳父卒然後
為祖後者服斬之喪言喪父小喪也
趙商問已為諸侯父有廢疾不任國政不任
喪事而為其祖服制度之宜年月之斷云何
答云父卒為祖後者三年斬何疑商又問父
卒為祖後者三年已聞命矣所問者父在為
祖如何欲言三年則父在欲言期復無主斬
杖之宜主喪之制未知所定答曰天子諸侯

之喪皆斬衰無期

疏

為庶母慈已者 陳鑠問汜閣為庶母慈
已鄭注引內則國君之子有子師慈母保
母又曰大夫之子有食母庶母慈已此之
謂也內則人君養子之法禮人君之庶母
尚無服何以為慈母服乎若欲施大夫大
夫無此禮但有食母耳答曰內則實總國
君及大夫養子之禮案內則云大夫見子
之禮入門升阼階也遂左旋授師師子師

也喪服有庶母慈已禮有子師此明大夫

之子有庶母慈已通典禮五十二

乳母 劉德問田瓊曰乳母總注云養子

者有他故賤者代之慈已今時婢生口使

為乳母得無甚賤不應服也瓊答曰婢生

口故不服也通典禮五十二

改葬總 陳鏗問云親見尸柩不可吉服

既虞可除何為乎三月趙商答曰經云改

葬總三月而除三月一時無他變易今既

總無因便除故待三月除以順總之數通典禮六十二

禮記志

曲禮婦諱不出門 陳鏗問云雜記母之

諱宮中諱妻之諱不舉諸其側也此則與

母諱同何也田瓊答曰雜記方分尊卑故

詳言之曲禮據不出門大略言之耳母諱

遠妻諱近則亦宜言也但所避者狹耳正義

大功小功不諱 陳鏗問云亦為父乎自

已親乎田瓊答云雜記云卒哭而諱王父
母兄弟世父叔父姑姊妹子與父同諱謂
諱齊衰親也然則大功小功不諱矣正義
大夫士之子不敢自稱曰嗣子某 焦氏
問案春秋君在稱世子君薨稱子某既葬
稱子無言嗣子某者也又大夫之子當何
稱張逸答曰此避子某耳大夫之子稱未
聞正義
已孤暴貴不為父作諡

趙商問曰曲禮云已孤暴貴不為父作諡而
武王卽位追王太王王季文王改諡爵何也
答曰周道之業興正義業興於二王之正義
字功德由之王迹初焉正義初凡為人父豈
能盡正義無賢乎若夏禹殷湯則不追諡矣
通典禮六十四及正義王圻
諡法通放追諡正義作然

天子之五官 崇精問焦氏云鄭云三王
同六卿殷應六卿此云五官何也焦氏答
曰殷立天官與五行其取象異耳正義

檀弓舜葬於蒼梧之野注征有苗而死因
留葬

張逸答焦氏云初窆西裔後之在南野
漢書地理志有蒼梧郡是今爲郡名也
師吾哭諸寢

答趙商云殷禮若周禮則奔喪云師哭諸廟

門外正義

四方於子乎觀禮子蓋慎諸注見子思欲
爲嫁母服恐其失禮戒之

張逸問舊儒世本皆以孔子後數世皆一子
禮適子爲父後爲嫁母無服檀弓說子思從
於嫁母服何答云子思哭嫂爲位必非適子
或者兄若早死無繼故云數世皆一子正義

斂斯席矣注大斂奠於堂

答趙商云堂堂當爲室正義

死於我乎殯 劉德問朋友無所歸於我
殯若此者當迎彼還已館皆當停柩於何
所田瓊答曰朋友無所歸故呼而殯之不

謂已殯迎之也於已館而殯之者殯之而

已不於西階也通典禮六十一

有殯聞遠兄弟之喪缺人名問曰或言往

哭或言側室或言他室不同何也又雜記

云三年之喪雖功衰不弔如有服服其服

而往雖總必往亦當服其服不王瓚答曰

檀弓言往哭不言輕重通三年當往也雜

記斬衰言功衰乃服其服而往則齊衰亦

於功衰乃服其服也哭他室者為外兄弟

明皆當先哭乃行耳異國則不往也通典禮五

七十

祥而縞是月禫徙月樂

答趙商云祥謂大祥二十五日是月禫謂二

十七月非謂上祥之月也魏書禮志四既禫徙月

而樂作禮之正也孔子五日彈琴自省樂哀

未忘耳踰月可以歌皆自身踰月所為也正義

君遇柩於路

答張逸云行而遇之謂凡民也正義

自敬姜之哭穆伯始也 張逸答陳鑑 當作

經云敬姜早寘晝哭以辟嫌帷殯或亦辟

嫌表夫之遠色也 正義

弁經葛而葬 鄭冲云小記云諸侯弔必

皮弁錫衰則此弁經之衰亦是弔服也 正義

周朝而遂葬 趙商問周朝而遂葬則是殯於宮葬乃朝廟

趙商問周朝而遂葬則是殯於宮葬乃朝廟

案春秋晉文公卒殯於曲沃是為去絳就祖

殯與禮記義異未通其說答曰葬乃朝廟當

周之正禮也其末世諸侯國何能同也傳合

不合當解傳耳不得難經 周禮喪

生事畢而鬼事始已注謂不復饋食於下

室而鬼神祭之

答張逸云未葬以脯醢奠於殯又於下室設

黍稷曰饋下室內寢也至朔月月半而殷奠

殷奠有黍稷而下室不設也既虞祭遂用祭

禮下室遂無事也 正義

王制公侯田方百里注此地殷所因夏爵

三等之制也

張逸問殷爵三等公侯伯尚書有微子箕子

何答云微子箕子實是畿內采地之爵非畿

外治民之君故云子也

正義

注周世有爵尊而國小爵卑而國大者

正義

云張逸疑而
不解以問

答云設今有五十里之國於此無功可進無

過可退亦就益其地為百里之國爵尊而國

小者若虞虢之君爵為公地方百里爵卑而

國大者侯四百里伯三百里子男二百里皆

大於虞虢

正義

主制喪三年不祭唯祭天地社稷為越紼

而行事

答田瓊云天地郊社至尊不可廢故越紼祭

之六宗山川之神則否五祀宮中之神喪

時朝夕出入所祭不為越紼也天地社稷之

祭豫卜時日今忽有喪故既殯越紼行事若

遭喪之後當天地郊社常祭之日其啟殯至

於反哭則避此郊社祭日爲之

大夫士宗廟之祭注所謂羔豚而祭百官

皆足任厥問云夫官司裘注云士不大

射士無臣祭無所擇此云百官皆足則有

臣矣汜閣答曰此上下兼說之耳士雖無

臣猶有屬官佐祭特性饋食云公有司私

臣皆殺胙百官皆足抑謂此也正義

月令省囹圄崇精問曰獄周曰圜土殷

曰羑里夏曰均臺囹圄何代之獄焦氏答

日月令秦書則秦獄名也漢曰若盧魏曰

司空正義

玄鳥至至之日以大牢祠於高禘注辛氏

之世立鳥遺卵娥簡狄吞之而生契後王

以爲禘官嘉祥而立其祠焉王權問曰

以注言之先商之時未有高禘生民詩曰

克禋克祀以祓無子傳以爲古者必立郊

立郊本禘焉本禘姜嫄禋祀上帝而生稷

是則高禘之祀非以生契後之立也之立當作

立之已上御覽引焦御覽喬答曰先契御覽之時

唯御覽引御覽作自必詩正義有禱氏祓除之

必自御覽作以益已之謫有禱氏祓除之

祀位在於詩正義御南郊蓋亦以立鳥之

至日正義無亦之至作至之然則其詩正

得禮祀御覽作乃於上帝也御覽無娥簡

狄吞虬子詩正義子上有有字疑衍之後

後王以正義脫為禱官嘉祥祀之以配帝

謂之高禱正義及御覽五百二十九毛傳

亦云郊禱者以古自有於郊克禋之義又

據禮之成文耳祀天而以先禱配之義如

后土祀以為社毛傳已下唯詩

昏夏火星中生民正義引之

孫皓問月令季夏火星申前受東方之體盡

以為火星季夏中心也不知夏至申星名答

曰日永星火此謂大火也大火次名東方之

次有壽星大火析木三者大火為中故尚書

云舉中以言焉又每三十度有奇非特一宿

者也季夏中火猶謂指心火也詩七月正義

引鄭答孫顯云星火非謂心星也卯之三十
度總為大火其日大火之次有星者月令舉
其月初尚書總舉一月故不同也疑是一條
兩正義徵引互異耳皓顯同音恐有一為傳
寫誤案詩七月正義引吳志孫皓與鄭答之
詞王應麟因學紀聞謂康成不與吳孫皓同
時吳志亦無此語後人因孫皓名同遂改鄭志為吳志

鷹乃學習焦氏問云仲秋乃鳩化為鷹

仲春鷹化為鳩此六月何言曰鷹學習乎

張逸答曰鷹雖為鳩亦自有真鷹可習矣

正義

曾子問竝有喪崇精問曰葬母亦朝廟

否其虞父與母同日異日乎焦氏答曰婦

未廟見不朝廟耳內豎職云王后之喪朝

廟則為之蹕也是母喪亦朝廟明也虞當

異日也正義

五祀之祭不行注郊社亦然

趙商問云自啟至反哭五祀之祭不行注云

郊社亦然案王制云唯祭天地社稷為越紼

而行事既云葬時郊社之祭不行何得有越

紼而行事答云越紼行事喪無事時天地郊

社有常日自啟及至反哭自當辟之正義

公館與公所為曰公館注君所命使舍已

者鮑遺問曰注此云公所為君所命使

舍已者注雜記云公所為若今離宮別館

也是二說異何張逸答曰公館若今停待

者也離宮是也聘禮曰卿館於大夫大夫

館於士公命人使館客亦公所為也正義

禮器詩云匪革其猶聿追來孝正義

答吳本誤模云為記注之時依循舊本此文

是也後得毛詩傳而為詩注更從毛本故與

記不同正義

祭祀不祈

趙商問商案周禮設六祈之科禱禳而祭無

不祈故敢問禮記祭祀不祈者何義也答云

祭祀常禮以序孝敬之心當專一其志而已

禱祈有為言之主於求福豈禮之常也正義

郊特牲庭燎之百注庭燎之差公蓋五十

侯伯子男皆三十崇翽問引大戴禮也

何以言蓋汜閣對曰言蓋無別意猶如禮
運云仲尼之歎蓋歎魯也亦無別意正義
劉德問曰君弔大夫迎於門外又拜送於
門外大夫弔不迎於門外今時縣令長弔
主人待之當依國君來弔禮與依大夫來
弔也又當去杖其至皆如故無可捨耶又
今時丞尉來弔待之當如何田瓊答曰今
之君與禮所云君輕重不同若必欲依之
令長宜依國君丞尉宜依大夫君於禮但

見去杖戢杖其餘不見也今於君弔以首
經貫臂遣則不釋之而已

社祭土而主陰氣也

趙商問郊特牲社祭土而主陰氣大宗伯職
曰王大封則先告后土注云后土土神也若
此之義后土則社社則后土二者未知云何
敢問后土祭誰社祭誰乎答曰句龍本后土
後遷之為社此字依周禮疏增大封告先后土立
注云后土土神不云周禮疏后土社也詩甫田正

義周禮大宗伯疏

后土為社謂輔作社神甫田正義

田瓊問周禮大封先告后土注云后土社也

前答趙商曰當言后土土神言社非也檀弓

曰國亡大縣邑或曰君舉而哭於后土注云

后土社也月令仲春命民社注云社后土申

庸云郊社之禮所以事上帝也注云社祭地

神不言后土省文此三者皆當定之否答曰

后土土官之名也周禮疏作古之官名死以為社神而

祭之周禮疏無以神二字故曰后土社句龍為土官後

轉為社故世人謂社為后土無可怪也周禮疏無

故社也三字其引自答曰下止此欲定者定之亦可不須甫田

正義大宗伯疏

附社后土則句龍也郊特性正義

內則大夫燕食有膾無脯有脯無膾

脯非食殺正義

玉藻諸侯之齊冠也注四命以上齊祭異

冠

趙商問云以雜記云大夫冕而祭於公弁而祭於已士弁而祭於公冠而祭於已是爲三命以下齊祭異冠何但四命以上也觀注似若但施於已祭不可通之也答云齊祭謂齊時一冠祭時亦一冠四命乃然大夫冕士弁而祭於君齊時服之祭時服之何以亦異正義明堂位尊用犧象注犧尊以莎羽爲畫飾張逸問曰明堂注犧尊以莎羽爲畫飾前問曰犧讀如沙沙鳳皇也不解鳳皇何以爲沙

答曰刻畫鳳皇之象於尊其形婆娑然

梁劉昭傳

引此云畫鳳皇尾婆娑然

或有作獻字者齊人之聲誤耳

正義

喪服小記朋友虞祔而已 劉德問曰喪

服小記云朋友虞祔而已此謂立幼而爲

虞祔也若都無主族神不欲非類當爲虞

祔不田瓊答曰虞安神也祔以死者祔於

祖也旣朋友恩舊歡愛固當安之祔之然

後義備也但後日不常祭之耳

通典禮六十一

久而不葬者唯主喪者不除

趙商問主喪者不除且以今言之人去邦族假葬異國禮不大備要亦有反舊土之意三年闕矣可得除不明爲改葬總之例乎爲久不葬乎答云葬者送亡之終假葬法後代巧偽反可以難禮乎

通典禮六十三

桓翽問汜閣云久喪不除者爲當衆子盡然邪故質焉爾答云昔嘗送鄭君到代陵有人其父死不得其屍其子行喪隨制降

殺閣與亡者相知而往弔之還問鄭君所駭異義之事不孝莫大於無後終身不除此爲絕先人之統無乃重乎鄭君答云庶子自可攝祭閣覆云無庶子當何以又云族人可以其倫代之閣又覆言云無族人云何則不復相答推此而詳但使一嫡子不除耳

通典禮六十三

雜記成廟則釁之

遷廟者更釁其廟而移故主焉

大戴記諸侯遷廟注

祭法大夫立三廟

趙商問祭法云大夫立三廟曰考廟曰王考

廟曰皇考廟注非別子故知祖考無廟商案

王制大夫三廟一昭一穆與太祖之廟而三

注云太祖別子始爵者雖非別子始爵者亦

然三者不知所定答云祭法周禮王制之云

或以夏殷雜不合周制

王制正義

答云

坊記澄酒在下注清酒也

答田瓊云禮運云醴醅醲澄各是一物皆不

言酒故推其意澄為沈齊酒為三酒坊記云

醴也醲也澄也皆言酒故因注云澄酒清酒

也其實沈齊也

禮運正義

中庸吾從周

趙商問孔子稱吾學周禮今用之吾從周檀

弓云今上也殷人也兩楹奠殯哭師之處皆

所法於殷禮未必由周而云吾從周者何也

答曰今用之者魯與諸侯皆用周之禮法非

專自施於已在宋冠章甫之冠在魯衣逢掖

之衣何必純用之

用之一作周云

吾從周者言周禮

法最備其為殷周事豈一也

正義

服問為其母之黨服則不為繼母之黨服

趙商問曰禮母亡則服其黨不服繼母黨以

外氏不可三也若母黨先滅亡無親已所未

服服繼母黨不答曰此所問權也非禮之正

假令母在本自都無親黨何所服邪權者由

心

喪服四制言不文者謂臣下也注孝經說

云言不文指士民也陳鏐問曰案坊記

云高宗諒陰三年不言言乃謹此則所言

也又喪大記云既葬與人立君言王事不

言國事大夫士言公事不言家事此天子

諸侯俱有言矣而獨謂臣下上句恐誤云言

而后事行者杖而起注云謂卿大夫也孝

經說云言不文指士民也義似不同引之

何明趙商答曰三年之喪天子諸侯不言

而事成者冢宰存也雖亦有所言但希耳

至於臣下須言而辨為可謂言句有誤但不

文耳各有所施不相妨也言臣下時字所誤

包者廣孝經云士民注引之者欲微見其

小異其大趣亦同也通典禮四十四

張逸問禮注曰書說書說何書也答曰尚書

緯也當為注時時在文綱中嫌引秘書故諸

所牽圖讖皆謂之說檀弓正義案正義云今禮注無引書說者豈有

脫文與姑附於此

月令命民社謂秦社也自秦以下民始得立

社也郊特性正義

劉德問田瓊曰夫君父終身不得者其臣

子當得昏不答曰昔許叔重作五經異義

已設此疑鄭君駁云若終身不除是絕嗣

也除而成昏違禮適權也通典禮五十八

春秋志

隱八年傳先配而後祖

祖祖道之祭應先為祖道然後配合今乃先

為配合而後乃為祖道之祭禮記曾子問正義又儀禮聘禮

出祖釋載祭酒脯正義
引鄭志祖為祭道神

莊二十二年傳飲桓公酒

答張逸云時桓公館敬仲若哀公館孔子之

類詩湛露正義

閔二年夏五月吉禘於莊公

答趙商云於禮少六月

禮記王制正義

僖四年傳五侯九伯

答張逸云五侯侯為州牧也九伯伯為州伯

也一州一牧二伯佐之太公為王官之伯二

人其分陝而治自陝以東當四侯半一侯不

可分故言五侯九伯則九人若征五等諸侯

九州之伯是天子何異乎云夾輔之有也

邱正義王制正義作若征五等諸侯九州之

伯何夾輔之有太公為王官伯分主自陝以

東不可分為四侯半故稱五侯四州有八伯

畿內有一伯故為九伯也左傳正義作周之

制每州以一侯為牧二伯佐之九州有九侯

十八伯太公為東西太伯中分天下者當各

八年七月禘於大廟

答趙商云僖八年正月公會王人於洮六月

應禘以在會未還故至七月乃禘君子原情
免之禮不合譏而書之者為致夫人故書七
月禘也禮記之云何必皆在春秋之例禮記
雜記

正義

三十年傳舜之罪也殛鯀其舉也與禹

答趙商云鯀非誅死鯀放居東裔至死不得
反於朝禹乃其子也以有聖功故堯與之若
以為殺人父用其子而舜禹何以忍乎而尚
書云鯀則殛死禹乃嗣興者箕子見武王誅

紂今與已言懼其意有慙德為說父不肖其

罪子賢則舉之以滿武王意也

禮記祭
法正義

文六年閏月不告月猶朝於廟

趙商問曰經曰閏月不告月猶朝於廟穀梁
傳云閏月附月之餘日喪事不數又哀五年
閏月葬齊景公公羊傳云閏月不書此何以
書喪以閏數喪數略也此一傳義反於禮斷
之何就答曰居喪之禮以月數者數閏以年
數者雖有閏無與於數也

公羊
疏

十五年傳諸侯五年再相朝以修王命古
之制也曰

孫皓問云諸侯五年再相朝不知所合典禮

答云古者據時而道正義時作前代之言唐

虞之禮五載一巡守正義無夏殷之時天子

蓋六年一巡守諸侯聞而朝天子其不朝者

朝罷朝五年再相朝者記正義無似如此制

正義無禮典不可得而詳正義禮記

成十三年傳凡自周無出王制正義

答孫皓曰凡自周無出者周無放臣之法罪

大者刑之小則宥之正義

襄二十七年傳唯卿備百邑

天子之卿其地見賜乃有何由諸侯之臣正

有此地儀禮喪服疏邑方二里諸侯臣賜地

無常得地者卿百乘下大夫同十里之成禮記

坊記正義

昭四年傳西陸朝覲

答孫皓曰西陸朝覲謂四月立夏之時周禮

曰夏頒冰是也

正義詩七月正義

六年傳夏有亂政而作禹刑商有亂政而作湯刑周有亂政而作九刑

三辟之興皆在叔世受命之王所制法度時不行耳世末政衰隨時自造刑書不合大中故叔向譏之作刑書必重其事故以聖人之號以神其書

周禮司刑疏

十一年五月夫人歸氏薨

趙商問云案許氏異義駭以為妾子為其母

依喪服庶子為後為其母總麻三月案禘祫

注稱春秋魯昭公十一年夏夫人歸氏薨十

三年五月大祥七月而禫是得為妾母三年

經無譏文得合下禘祫之數若不三年則禘

祫事錯答云春秋經所譏所善皆於禮難明

者也其事著明但如事書之當案禮以正之

今以不譏為事是亦寧有善之文與

通典禮五十三

十三年傳鄭伯男也

答趙商云此鄭伯男者非男畿乃謂子男也

先鄭之於王城爲在畿內之諸侯雖爵爲侯伯周之舊俗皆食子男之地故云鄭伯男也

詩譜正義

三十一年傳十二月六年及此月也服虔

云歲在析木後六年大梁十二月日在星

紀

趙商問曰周之十二月夏之十月日體正應

在析木而云在星紀何答曰據此月中有十

一月節故舉言之成長以爲誤也

周禮占夢疏

三十二年傳不及四十年越其有吳乎越得歲而吳伐之必受其凶

五星之期各用數有氣者期遠而禍大無氣者期近而禍小吳伐越以夏周之孟夏建卯仲夏建辰木用事之時木數三木用事則歲星王當從遠期以三乘十二爲三十六歲星復其所而三十七過其次而歲星去矣故伐越以後積三十八年至哀二十二年冬十一月丁亥而越滅吳案越興在哀二十年吳惡

未周故不滅也

周禮保章氏疏

天文分野斗主吳牽

牛主越此年歲星在牽牛故吳伐之凶

正義

定四年傳曹為伯甸

趙商問定四年左傳曰曹為伯甸言爵為伯

服在甸案曹國實今定陶去王城六七百里

甸服在二服去王城一千五百里亦復不合

敢問其故答曰東都之畿方六百里半之三

百里曹今濟陰定陶也

詩正義此句止有定陶二字

去王

城八百里有餘豈六七百里也除畿內三百

里又

有餘至此正義無而三

侯服五百里定

陶在畿外何謂之不合

詩譜正義及正義

哀十三年公會晉侯及吳子於黃池傳乃

先晉人

不可以國語亂周公所定法

正義案正義云吳語云吳公先

敵晉侯亞之與此異

十六年傳反祔於西圃

張逸問許氏異義駁衛孔悝之反祔有主者

何謂也答曰禮大夫無主而孔獨有者或時

末代之君賜之使祀其所出之君也諸侯不祀天而魯郊諸侯不祖天天子而鄭祖厲王

皆時君之賜也

通典禮八

雜問志

案詩崧高正義云雜問之志首尾無次是此志原本本無次第既不依經

復無類例故於六藝外別以雜問標目今其存者無幾而發問之端又俱不可攷姑依經

史先後錄之

五侯九伯選州中諸侯以為牧以三伯為之

佐此正法也若一州之中無賢侯選伯之賢

者以為牧

詩旄王正義

韎韍之不注不讀如幅注屬也幅有屬者以

淺赤韍為弁又以為衣而素裳白鳥也

詩六月正

義司服聘禮疏又見儀禮聘禮正義秦鑑本此條作韎韍之附注附為幅注亦為屬以韎韍幅如布帛之幅而連屬以為衣而素裳

周都豐鎬故以吳岳為西岳

詩崧高正義

四時迎氣於四郊祭一帝還於明堂亦如之

正義所引止此

因祭一帝則以文王配明一賓不容

兩主也享五帝於明堂則泛配文武

詩我將正義南

齊書禮志上

天子巡守禮無六軍之文詩時邁正義

內則饗次糝周禮醢次糝又醢在六飲中不

合在豆且內則有饗無醢周禮有醢無饗明

醢饗是一也周禮醢人疏

稍縣都地有公邑之民口率出泉於王也邦

國都鄙無口率之賦唯有軍賦革車匹馬士

徒而已周禮小司徒疏

四時治兵王自出禮記天子殺則下大綏司

馬職王建大常足相參正周禮中車疏

春日其帝大皞其神句芒祭蒼帝靈威仰大

皞食焉句芒祭之於庭祭五帝於明堂五德

之帝亦食焉又以文武配之祭法祖文王而

宗武王此謂合祭於明堂漢以正禮散亡戴

禮文殘缺此十一字疑有脫誤不審周此二字依禮志增以何

月也於月令則以季秋禮記祭法正義又詩我將正義南齊禮志

上竝引未二句

有小泰山公玉帶曰岐伯令黃帝封泰山既

此山也後漢郡國志補注

正月上辛祀后稷於南郊還於明堂以文王

配南齊書禮志上

公正謂曰...

宋二帝

且...

...

...

...

...

...



